



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorum

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindellicorum, 1607

S. Besarion Anachoreta.

urn:nbn:de:hbz:466:1-43013

3. Ita à Hieronymo Enifero in actis S. Bennonis, qui hodie Monachii metropoli Bauariæ ingentibus fulget miraculis, refertur, fata quæ viuis quoddam Benno tranfierat, multo ante tempus maturuisse.

17. Iunii.
Martyrol.
eod. die.

S. BESARION ANACHORETA.

Hic in prima pueritia, abdicatis rebus humanis Scetanam eremum ingressus, ad tantam promouit exercitatione virtutem abstinentiæ & egestatis, vt ritu alitum, aut piscium, animantiumne, sine vlla rerum præsentium curâ, totum vitæ cursum transigeret; non tectum quærebat, nõ vllò desiderio loci certi, non appetitu cibi tangebatur, non cellarum vsu, non librorum sarcinas amabat, sed ab omni profus affectu expeditus, spe rerum futurarum pascebatur, & fidei propugnaculo tutus perdurabat, & tamquam captiuus, modo hic, modo illic, in frigore & nuditate manebat. sole adustus sub dio assiduè stabat, in præruptis solitudinum, velut erro quidam hærebat. In sabulosâ terrâ, sæpe profusq; inhabitabili, perinde ac si pelago iactaretur, patientiam exercebat. Totus quadraginta dies & noctes in rhamno quodâ spinosoq;

nosq; rubo immotus perstitit, vt dormiret, cubaretque nunquam. Annis quadraginta numquam in latus cubans somnum cepit, sed vel stans vel sedens dormiuit. In huiuscemodi palæstra exercitatus ad Dominum victor abiit.

ANNO TATIO.

Non satis expedit, an hic idem sit Besarion cum eo quem describit Palladius. Hic enim tantum generatim eius virtus insinuat, ibi sigillatim de tunica & libro Euangelii venditis, & pauperibus donatis scribitur. Adde Palladii Besarionem a Leontio dici Serapionem, Baronius hunc Besarionem affirmat, de cuius disciplina fit mentio in vitis patrum.

S. P A P I V S M.

25. Iunii.
Martyrol.
Rom. &
Græc.

Dioeletiano & Maximiano imperantibus, Papius Christianis maioribus ortus, Christum prædicauit, quamobrem delatus capitur, præsidique sistitur, & immolare Diis iubetur. Cum non solum non cederet, sed vltro etiam præsidii insultaret, vehementer iram eius accendit. Manibus ergo pedibusque distentus, boiis crudis diu atrociter verberatur. Deinde in ahenu ingens oleo aruinaque plenum tribus diebus im-

Q 3

mitti-